

DECLARACION DETH “MANIFEST DE LES”

“en contra dera supression de drets bàsics e fonamentaus”

MANIFESTAM

1. Dempús de quaranta ans de democràcia, denonciam dubèrtament que tornam a auer presoèrs polítics. Agèr se violèren drets tan fonamentaus coma es de: expression, manifestacion e participacion.
2. Denonciam era evidentata perta de drets e libertats tamb era qu’er Estat espanhòu està saiant d’eliminar era reivindicacion nacionau e democratica qu’eth pòble catalàn e aranès an expressat enes urnes.
3. Demanam a toti es ciutadans d’Aran, siguen a favor dera indepedència o non, a denunciar era violacion de drets individuaus que conformen ua democràcia plea e un estat de dret modèrn.
4. Demanam a totes es entitats, associacions e institocions d’Aran a que se expressen tamb contundència en tot defensar er estat de dret e es drets individuaus qu’auem coma persones ena Euròpa d’auè.
5. Exigim ath govèrn der Estat Espanhòu a deishar de judicialitzar era politica e le exigim qu’afrònte un problema polític tamb solocions politiques.
6. Demanam ara Union Europèa, fondada ena patz, enes drets e libertats, a que intervengue e actúe deuant deth patiment d’ua minoria (Catalonha) qu’està viuient ua repression sense precedents en un Estat membre.
7. Denonciam eth silenci coma actitud de complicitat tamb era mès grèu repression a atac as drets individuaus qu’estam patint coma ciutadans e ciutadanes de Catalonha e Aran.
8. Era justificacion dera violència, dera supression de drets individuaus e dera privacion de libertats entà defensar ua ideologia, uns principis o ben un projècte polític arren a de vèir tamb era defensa d’ua democràcia plea (de respecte, de tolerància, de diversitat, de proteccion, de seguretat e plurilingüista).
9. Demanam ath govèrn der Estat Espanhòu que dèishen en libertat a Jordi Sánchez e Jordi Cuixart, presoèrs polítics, ja que non s’ajuste a dret ne justícia eth sòn empresament.
10. Trasladam eth nòste supòrt a Jordi Cuixart e Jordi Sánchez, as sues famílies e amics, a tota era societat catalana e principaument as entitats Òmnium e ANC.

En Aran, a 17 d’octobre de 2017